

Broj: 01/IV-06-1-1718-1
Sarajevo, 06.05.2022. godine

PARLAMENT FEDERACIJE BIH
ZASTUPNIČKI DOM
n/r sekretara
n/r zastupnice Majra Dautbegović

SARAJEVO

Bosna i Hercegovine
Federacija Bosne i Hercegovine
PARLAMENT FEDERACIJE
SARAJEVO

Primljeno:		09-05-2022	
Org. Jed.	Broj	Priloga	Vrijednost
05/1	-02-	149	/22

PREDMET: Odgovor na zastupničko pitanje.

Poštovani,

U prilogu akat dostavljamo Vam Odgovor na zastupničko pitanje koje je postavila Majra Dautbegović, zastupnica u Zastupničkom domu Parlamenta Federacije BiH na sjednici ovog doma održanoj 27.04.2022. godine.

S poštovanjem,



DIREKTORICA

dr. prof. dr. sc. Vlatka Martinović, dr.med.

Prilog:Kao u tekstu

Dostavljeno:

Naslovu,
- a/a

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zofbih.ba
Web: www.zofbih.ba
JIB: 4200642000008

UNION BANKA Sarajevo

Depozitni račun, KM: 102 05 000 000 64018
Glavni transakcijski račun, KM: 102 05 000 000 70808
Transakcijski račun, KM: 102 05 000 000 88753
Transakcijski račun, KM: 102 05 000 000 26964
Transakcijski račun, EUR: 102 05 000 000 70808
IBAN CODE: BA39 102 05 000 000 70808

ODGOVOR
NA ZASTUPNIČKO PITANJE MAJRE DAUTBEGOVIĆ
ZASTUPNICE U ZASTUPNIČKOM DOMU
PARLAMENTA FEDERACIJE BOSNE I HERCEGOVINE

Sarajevo, maj 2022. godine

Adresa:	Trg Heroja 14, Sarajevo	UNION BANKA Sarajevo	Depozitni račun, KM:	102 05 000 000 64018
Telefon:	+387 33 728 700		Glavni transakcijski račun, KM:	102 05 000 000 70808
Fax:	+387 33 655 856		Transakcijski račun, KM:	102 05 000 000 88753
E-mail:	zavod@zzofbih.ba		Transakcijski račun, KM:	102 05 000 000 26964
Web:	www.zzofbih.ba		Transakcijski račun, EUR:	102 05 000 000 70808
JIB:	4200642000008		IBAN CODE:	BA39 102 05 000 000 70808

I.

Majra Dautbegović, zastupnica u Zastupničkom domu Parlamenta Federacije Bosne i Hercegovine, na sjednici Zastupničkog doma Parlamenta Federacije BiH održanoj 27.04.2022. godine, postavila je slijedeća zastupnička pitanja:

„- Da li je i kojim propisima uređen način rada Fonda solidarnosti i propisana procedura za ostvarivanje prava na lijekovi liječenje na teret Fonda, te na osnovu kojih kriterija se formira tzv. Lista čekanja?

-Na koji način Fond vrši raspodjelu raspoloživih sredstava i u kojoj mjeri se raspolaže sa raspoloživim sredstvima?

-Raspored sredstava kojim je Fond raspolagao po pojedinim kantonima?“

II.

Na postavljena zastupnička pitanja Zavod zdravstvenog osiguranja i reosiguranja Federacije Bosne i Hercegovine, **iz okvira svojih nadležnosti**, daje slijedeći

ODGOVOR

Saglasno **Zakonu o zdravstvenom osiguranju** ("Službene novine Federacije BiH", br. 30/97, 7/02, 70/08, 48/11 i 36/18), formiran je fond solidarnosti Federacije Bosne i Hercegovine (u daljem tekstu: federalni fond solidarnosti). Ovaj fond predstavlja najvažnije postignuće u oblasti zdravstvenog osiguranja obzirom da jednakomjerno osigurava pružanje zdravstvenih usluga, prioriternih programa, kao i korištenje skupih lijekova osiguranicima s cijele teritorije Federacije BiH, te liječenje osiguranike u inostranstvu.

Ovaj fond se finansira sredstvima prikupljenim po osnovu doprinosa za zdravstveno osiguranje, kao i sredstvima Federalnog budžeta. U skladu s odredbama Zakona o zdravstvenom osiguranju, u ovaj fond alociraju se sredstva prikupljena po osnovu doprinosa za zdravstveno osiguranje, i to po stopi izdvajanja koju za svaku kalendarsku godinu utvrđuje Vlada Federacije BiH. Stopa izdvajanja iz doprinosa za zdravstveno osiguranje za namjene federalnog fonda solidarnosti od 2013. do 2021. godine iznosi 10,20%. To podrazumijeva da se dio doprinosa zdravstvenog osiguranja u iznosu od 10,20% uplaćuje na poseban račun Zavoda zdravstvenog osiguranja i reosiguranja Federacije BiH, i to za namjene federalnog fonda solidarnosti. Isti iznos sredstava morao bi se uplaćivati i iz Federalnog budžeta.

Međutim, ovu zakonsku obavezu izdvajanja iz Federalnog budžeta, a na način kako je to propisano članom 82. Zakona o zdravstvenom osiguranju nije bilo moguće ispoštovati iz razloga stalno prisutne deficitarnosti sredstava Federalnog budžeta. Do sada je ovo izdvajanje na godišnjem nivou iznosilo 20,3% od propisane zakonske obaveze.

Namjene ovog fonda su jednakomjerno finansiranje najsloženijih oblika visokodiferencirane zdravstvene zaštite, prioriternih programa od interesa za Federaciju BiH u skladu sa:

- tačkom IX. Odluke o utvrđivanju osnovnog paketa zdravstvenih prava ("Službene novine Federacije BiH", broj 21/09), kao i
- Odluci o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 8/05, 11/07, 44/07, 97a/07, 33/08 i 52/08).

Iz ovog fonda finansira se i nabavka skupih lijekova u skladu sa **Odlukom o Listi lijekova Fonda solidarnosti Federacije Bosne i Hercegovine** („Službene novine Federacije BiH“, br. 47/19 i 90/19).

Također ovaj fond finansira i liječenje osiguranika u inostranstvu saglasno Pravilniku o uvjetima i postupku upućivanja osiguranih osoba na liječenje u inostranstvo („Službene novine Federacije BiH“, br. 93/13, 102/15, 16/19 i 22/19).

Kada je riječ o propisima koji se odnose na ostvarivanje osiguranika prava na lijekove iz sredstava federalnog fonda solidarnosti, pored navedene Odluke o Listi lijekova Fonda solidarnosti Federacije Bosne i Hercegovine, potrebno je navesti i sljedeće propise:

Pravilnik o bližim kriterijima za izbor lijekova, postupku i načinu izrade Liste lijekova Fonda solidarnosti Federacije BiH, kao i korištenju lijekova sa Liste sa Liste lijekova Fonda solidarnosti Federacije Bosne i Hercegovine („Službene novine Federacije BiH“, br. 36/11, 60/12 i 82/14), kojim se definira proces koji za ishod imaju izradu i donošenje Liste lijekova Fonda solidarnosti Federacije Bosne i Hercegovine koja se finansira iz sredstava fonda solidarnosti. Listu lijekova Fonda solidarnosti Federacije Bosne i Hercegovine, na prijedlog federalnog ministra zdravstva, donosi Vlada Federacije BiH saglasno svojim nadležnostima utvrđenim članom 44. Zakona o apotekarskoj djelatnosti („Službene novine Federacije BiH“, broj 40/10).

Članom 5. citiranog Pravilnika definira se da se na Listu lijekova Fonda solidarnosti Federacije Bosne i Hercegovine uključuju sljedeći lijekovi: lijekovi za terapiju malignih neoplazmi, lijekovi za terapiju malignih neoplazni s posebnim režimom propisivanja, imunosupresivi, lijekovi za liječenje hepatitisa C i B, lijekovi za liječenje multiple skleroze, lijekovi u tretmanu hemodijalize, biološki lijekovi za liječenje upalnih bolesti debelog crijeva (Morbus Chron, ulcerozni kolitis, antiretrovirusni lijekovi, lijkeovi za liječenje hemofilije, humani imunoglobulini. Izuzetno, na ovu Listu lijekova Fonda solidarosti mogu se uvrstiti i lijekovi za koje se ukaže potreba, s obzirom na zdravstveno stanje određenih vulnerabilnih grupa stanovništva, lijekovi za liječenje rijetkih bolesti, specifični lijekovi koji se koriste u implementaciji projekata unapređenja terapijskog liječenja određenih bolesti i stanja odobrenih od strane federalnog ministra zdravstva. U tim slučajevima potrebno je usaglasiti stručne i ekonomske kriterije, te osigurati dodatna financijska sredstva za ove namjene.

U važećoj Odluci o Listi lijekova Fonda solidarnosti Federacije Bosne i Hercegovine uvršteno su sljedeći lijekovi (172 lijeka u različitim oblicima i jačinama), i to kako slijedi:

PRILOG 1.

- Citostatici, 60 lijekova,
- Citostatici sa posebnim režimom propisivanja/ Lijekovi za terapiju malignih neoplazmi sa posebnim režimom propisivanja, 20 lijekova,
- Imunosupresivi, 5 lijekova,
- Lijekovi za liječenje hepatitisa C i B, 5 lijekova,
- Lijekovi za liječenje multiple skleroze, 8 lijekova,
- Lijekovi u tretmanu hemodijalize, 12 lijekova
- Lijekovi za liječenje hemofilije, 9 lijekova,
- Antiretrovirusi lijekovi, 13 lijekova,
- Humani imunoglobulini, 2 lijeka,
- Lijekovi za liječenje upalnih bolesti crijeva, 3 lijeka
- Lijekovi za profilaksu respiratornog sincicijalnog virusa (RSV-a), 1 lijek,
- Tuberberkulostatici, 8 lijekova.

PRILOG 2. - Posebni program, 26 lijekova. Podsjećamo da se u skladu sa Odlukom o Listi lijekova Fonda solidarnosti Federacije Bosne i Hercegovine na istu mogu uvrstiti, odnosno nabaviti se, i lijekovi preporučeni kroz Poseban program za koje se osiguraju dodatna finansijska sredstva federalnog fonda solidarnosti.

Citiranim Pravilnikom je također reguliran način korištenja lijekova s Liste lijekova Fonda solidarnosti Federacije Bosne i Hercegovine. Lijekovi sa ove Liste se koriste u bolničkim zdravstvenim ustanovama sa kojima Zavod zdravstvenog osiguranja i reosiguranja Federacije Bosne i Hercegovine ima zaključene ugovore saglasno propisima o zdravstvenom osiguranju.

Korištenje ovih lijekova obavlja se saglasno:

- utvrđenim stručno-medicinskim uputstvima izdatim od strane federalnog ministra zdravstva u smislu člana 21. pomenutog Pravilnika,
- tački IX. Odluke o utvrđivanju osnovnog paketa zdravstvenih prava,
- propisima kojim se reguliše rad federalnog fonda solidarnosti, te
- raspoloživim sredstvima federalnog fonda solidarnosti utvrđenim u Finansijskom planu Zavoda zdravstvenog osiguranja i reosiguranja Federacije Bosne i Hercegovine za fiskalnu godinu.

Nakon donošenja stručno-medicinskih uputstava, davanja saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine od strane Parlamenta Federacije BiH za fiskalnu godinu u smislu člana 27. stav (7) Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), usvojenim Programom zdravstvene zaštite sa Planom obima zdravstvenih usluga koji se finansira sredstvima federalnog fonda solidarnosti za fiskalnu godinu i usvojenim Planom javnih nabavki Zavoda zdravstvenog osiguranja i reosiguranja Federacije Bosne i Hercegovine za fiskalnu godinu od strane Upravnog odbora Zavoda zdravstvenog osiguranja i reosiguranja Federacije Bosne i Hercegovine, kao i provedenim postupcima javnih nabavki u dijelu lijekova saglasno propisima o javnim

nabavkama, te zaključenim ugovorima sa zdravstvenim ustanovama u kojima se koriste lijekovi s Liste lijekova Fonda solidarnosti Federacije Bosne i Hercegovine, pristupa se postupku uvođenje osiguranika u pravo korištenja lijekova sa ove Liste.

Naime, Zavod zdravstvenog osiguranja i reosiguranja Federacije Bosne i Hercegovine, preko ovlaštenih komisija za uvođenje osiguranika u pravo korištenja lijekova sa Liste lijekova Fonda solidarnosti Federacije Bosne i Hercegovine, koje su formirane od strane direktora ovog Zavoda, uz prethodnu saglasnost federalnog ministra zdravstva, u smislu člana 22. pomenutog Pravilnika, izdaje saglasnosti za korištenje pojedinih lijekova sa ove Liste. Komisija su sastavljene od članova iz reda istaknutih stručnjaka iz pojedinih zdravstvenih djelatnosti, i to za srodne grupe oboljenja. Prijedlog za uvođenje osiguranika u pravo korištenja lijekova sa ove Liste dostavljaju kliničke zdravstvene ustanove sa kojima ovaj Zavod ima zaključene ugovore, zajedno sa potrebnom medicinskom dokumentacijom.

Pored toga, na osnovu člana 25. pomenutog Pravilnika, u slučaju nedostatka finansijskih sredstava, Zavod zdravstvenog osiguranja i reosiguranja Federacije Bosne i Hercegovine za nabavku određenih lijekova s Liste lijekova Fonda solidarnosti Federacije Bosne i Hercegovine, može utvrditi Liste čekanja u ovisnosti od medicinskih indikacija i zdravstvenog stanja osiguranika, s tim da vrijeme čekanja ne smije ugroziti život i zdravlje osiguranika.

Zavod svojim općim aktom regulira način formiranja Liste, kao i način vođenja, odnosno kontinuiranog praćenja Liste čekanja i informiranja osiguranika o bitnim podacima u vezi iste, te poduzimanje aktivnosti za izmjene i dopune Liste čekanja. Ovaj akt donosi Upravni odbor Zavod zdravstvenog osiguranja i reosiguranja Federacije Bosne i Hercegovine, uz prethodnu saglasnost federalnog ministra zdravstva. Obaveza je Zavoda da, jednom u šest mjeseci, redovno izvještava federalnog ministra zdravstva i Upravni odbor Zavod zdravstvenog osiguranja i reosiguranja Federacije Bosne i Hercegovine o statusu liste čekanja, što se redovno i čini.

Uputstvo o uspostavi listi čekanja za lijekove sa Liste lijekova Fonda solidarnosti Federacije Bosne i Hercegovine ("Službene novine Federacije BiH", broj 19/15) donijeto je od strane Upravnog odbora Zavod zdravstvenog osiguranja i reosiguranja Federacije Bosne i Hercegovine, uz prethodnu saglasnost federalnog ministra zdravstva. Članom 7. ovog Uputstva regulisani su kriteriji za stavljanje pacijenta na Liste čekanja za lijekove, a to su:

1. Zdravstveno stanje pacijenta (klinički postavljena dijagnoza sa preporukom konzilija za određeni lijek, očekivani tok bolesti, medicinske kontraindikacije za primjenu druge terapije, očekivani terapijski rezultata liječenja);
2. Step en hitnosti (veoma hitno, hitno, normalno);
3. Dužina čekanja.

Saglasno članu 8. Uputstva, stavljanje pacijenata na liste čekanja obavlja nadležna komisija Zavod zdravstvenog osiguranja i reosiguranja Federacije Bosne i Hercegovine na osnovu gore navedenih kriterija, bodovanjem i to kako slijedi:

1. Zdravstveno stanje pacijenta (klinički postavljena dijagnoza sa preporukom konzilija za određeni lijek, očekivani tok bolesti, medicinske kontraindikacije za primjenu druge terapije, očekivani terapijski rezultata liječenja)- maksimalno 30 bodova;
2. Stepent hitnosti: veoma hitno-20 bodova, hitno-12 bodova, normalno-7 bodova;
3. Dužina čekanja: do 6 mjeseci- 15 bodova, od 7 do 12 mjeseci- 25 bodova, od 13 do 18 mjeseci- 35 bodova, od 19 do 24 mjeseca- 45 bodova, preko 24 mjesec- 55 bodova.

Status pacijenta na Listi čekanja za lijekove odnosno sukcesivni redosljed pacijenata na Listi čekanja za lijekove određuje ukupan broj bodova od najvećeg do najmanjeg. Broj bodova za kriterije pod tač. 1. i 2. određuju nadležne komisije Zavod zdravstvenog osiguranja i reosiguranja Federacije Bosne i Hercegovine, dok je bodovanje za kriterij pod tačkom 3. jasno određeno. Ažuriranje Listi čekanja za lijekove po osnovu navedenih kriterija, kao i revidiranje broja bodova vrši se kontinuirano.

Čl. 9, 10. i 11. navedenog Uputstva utvrđeni su decidni slučajevi u kojima može doći do promjene u listama čekanja na lijekove. Naime, članom 9. Uputstva regulisani su medicinski kriteriji zbog kojih se pacijent može skinuti sa Liste čekanje za lijekove, a to su: izostanak terapijskih efekata liječenja, neželjeni efekti lijekova (nus pojave) i nepodnošenje terapije, pogoršanje zdravstvenog stanja pacijenta i prevođenje pacijenta na terapiju drugim lijekovima. Također, istim članom Uputstva regulisani su i nemedicinski razlozi zbog kojih se pacijent može skinuti sa Liste čekanje za lijekove, a to su: promjena prebivališta osiguranika koji mijenja status osiguranika, izmještanje na liječenje u inostranstvo, izjava pacijenta u pisanoj formi da ne želi koristiti terapiju, smrtni ishod pacijenta prije početka primjene preporučenog lijeka.

Promjenu redosljeda pacijenta na Listi čekanja za lijekove napraviti će i nadležna komisija Zavod zdravstvenog osiguranja i reosiguranja Federacije Bosne i Hercegovine u slučajevima prijema i procjene konzilijarnih mišljenja za nove pacijente i prilikom evaluacije kriterija za liste čekanja za pacijenta koji se već nalaze na listama čekanja za lijeve, a sve u smislu člana 10. Uputstva.

Izuzetno, u slučaju hitnosti odnosno neposredne životne ugroženosti, nadležna komisija Zavod zdravstvenog osiguranja i reosiguranja Federacije Bosne i Hercegovine, može pacijentu izdati saglasnost za uvođenje u pravo korištenja lijeka koji mu je indiciran, bez obzira na njegov status na Listi čekanja za lijekove, a u smislu člana 11. Uputstva. Pri tome, nadležna komisija Zavod zdravstvenog osiguranja i reosiguranja Federacije Bosne i Hercegovine dužna je dati pismeno obrazloženje hitnosti, odnosno neposrednu životnu ugroženost pacijenta kojem je indiciran i odobren lijek, na temelju važećih savremenih medicinskih smjernica i preporuka, te stručno-medicinskih standarda i dobre kliničke prakse.

Članom 12. Uputstva utvrđen je obaveza za konzilije zdravstvenih ustanova da u rokovima od najmanje 3 mjeseca, a po potrebi i kraće, izvrše evaluaciju liječenja za svakog pacijenta, a konzilijarno mišljenje dostave nadležnoj komisiji Zavod zdravstvenog osiguranja i reosiguranja Federacije Bosne i Hercegovine u skladu sa doktrinarnim pristupom, sa ciljme revidiranja Liste čekanja za lijekove.


Također, članom 13. Uputstva regulisano je na koji način se informišu osiguranici o statusu na Listi čekanja za lijekove, a članom 14. Uputstva navedeni su podatci koje sadržava Lista čekanja za lijekove.

Kao što je već ranije istaknuto raspored sredstava federalnog fonda solidarnosti vrši se Finansijskim planom Zavoda zdravstvenog osiguranja i reosiguranja Federacije BiH za fiskalnu godinu koji utvrđuje Upravni odbor Federalnog zavoda, saglasno svojim nadležnostima iz člana 104. Zakona o zdravstvenom osiguranju, a koji podliježe saglasnosti Parlamenta Federacije BiH za fiskalnu godinu, u smislu člana 27. stav (7) Zakona o budžetima u Federaciji Bosne i Hercegovine. Osim toga, uz prethodnu saglasnost federalnog ministra zdravstva, Upravni odbor Zavoda zdravstvenog osiguranja i reosiguranja Federacije Bosne i Hercegovine donosi Program zdravstvene zaštite sa Planom obima zdravstvenih usluga koji se finansira sredstvima federalnog fonda solidarnosti za fiskalnu godinu, također saglasno svojim nadležnostima iz člana 104. Zakona o zdravstvenom osiguranju, a u vezi sa tačkom IX. Odluke o utvrđivanju osnovnog paketa zdravstvenih prava, kao i odredbama Odluke o kriterijima i načinu korištenja sredstava Fonda solidarnosti Federacije BiH ("Službene novine Federacije BiH", br. 22/02 i 11/05).

Ilustracije radi navodimo da su ukupni prihodi Zavoda zdravstvenog osiguranja i reosiguranja Federacije Bosne i Hercegovine u 2021. godini ostvareni su u iznosu od 196.375.678 KM i veći su za 4% ili 8,4 mil. KM u odnosu na planirane, a u odnosu na ostvarene u 2020. godini veći su za 7% ili 13,02 mil. KM.

Prihodi su ostvareni iz slijedećih izvora: doprinosa za obavezno zdravstveno osiguranje osiguranih lica u Federaciji BiH, doprinosa za zdravstvenu zaštitu ino-osiguranika (paušali), dodatnog doprinosa za zdravstvenu zaštitu detaširanih radnika; sredstava iz Budžeta Federacije BiH, te ostalih prihoda.

Struktura prihoda Zavoda zdravstvenog osiguranja i reosiguranja Federacije Bosne i Hercegovine u 2021. godini prikazana je nasljedećem grafikonu:



Ukupni rashodi federalnog fonda solidarnosti u 2021. godini iznosili su 201.827.274 KM, i to:

- rashodi zdravstvenih usluga pruženih u zdravstvenim ustanovama u Federaciji BiH 66.835.103 KM,
- rashodi lijekova i medicinskih sredstava 120.369.987 KM,
- rashodi liječenja povratnika iz FBiH u RS 2.128.315 KM,
- rashodi za liječenje u zdravstvenim ustanovama u inostranstvu 11.855.987 KM;
- sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja 424.360 KM;
- ostali rashode u funkciji provođenja programa federalnog fonda solidarnosti 213.522 KM.

Ukupni rashodi Federalnog fonda solidarnosti u 2022. godini su se kretali u okviru planiranih, dok su u odnosu na prethodnu godinu rashodi bili veći za 10% ili 18.565.900 KM.

Rashodi zdravstvenih usluga u zdravstvenim ustanovama Federaciji BiH su zabilježili smanjenje za 2% ili 1.098.896 KM u odnosu na planirane, dok su u odnosu na izvršene u 2020. godini zabilježili povećanje od 7,6% ili 4.763.290 KM.

Rashodi lijekova i medicinskih sredstava (potrošni materijal za hemodijalizu i trakice i aparati za mjerenje šećera kod djece) su u 2021. godini bili veći za 2% ili 2.123.606 KM u odnosu na planirane, dok su u odnosu na prethodnu godinu zabilježili porast od 13,7% ili 14.484.302 KM.


Rashodi bolničkog liječenja povratnika iz Federacije BiH u općine u R Srpskoj u zdravstvenim ustanovama u Federaciji BiH, u 2021. godini za što su odobrena namjenska sredstva iz Budžeta Federacije BiH za 2021. godinu u iznosu od 2.000.000 KM. Rebalansom finansijskog plana za 2021. godinu (prve izmjene) raspoloživa sredstva su povećana za iznos neutrošenih sredstava iz 2020. godinu u iznosu od 410.454 KM. Ukupni rashodi u 2021. godini za ovu namjenu su iznosili 2.128.315 KM.

Rashodi liječenja u zdravstvenim ustanovama u inostranstvu su bili manji za 1% u odnosu na planirane, dok je izvršenje rashoda u odnosu na 2020. godinu bilo manje za 8,4% ili 1.096.087 KM.


Ostali rashodi u funkciji provođenja programa federalne solidarnosti u 2021. godini su iznosili 213.522 KM što je za 37% ili 125.478 KM manje u odnosu na planirana sredstva.

Rashodi sufinansiranja troškova liječenja u 2021. godini su iznosili 424.360 KM i bili su za 15% manji od planiranih.

Struktura rashoda Fonda solidarnosti u 2021. godini prikazani su na sljedećem grafikonu:



Rashodi fonda solidarnosti u 2021. godini posmatrano po kantonima prikazani su na sljedećem grafikonu:



Posebno navodimo da, saglasno Zakonu o budžetima u Federaciji Bosne i Hercegovine, Zakonu o izvršavanju Budžeta Federacije BiH za fiskalnu godinu, odredbama Pravilnika o finansijskom izvještavanju i godišnjem obračunu Budžeta u Federaciji BiH ("Službene novine Federacije BiH", broj: 69/14, 14/15, 4/16 i 19/18), odredbama čl. 100. i 104. Zakona o zdravstvenom osiguranju, Odluci o utvrđivanju

osnovnog paketa zdravstvenih prava, kao i Odluci o kriterijima i načinu korištenja sredstava Fonda solidarnosti Federacije BiH, Zavod zdravstvenog osiguranja i reosiguranja Federacije Bosne i Hercegovine, redovno svake fiskalne godine, izrađuje Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH, i to: za Stručnu službu Zavoda i Federalni fond solidarnosti, koji putem Vlade Federacije BiH, dostavlja Parlamentu Federacije BiH na razmatranje i usvajanje.

**DIREKTORICA**

Izv. prof. dr. sc. Vlatka Martinović, dr.med.

Prilog:**Dostavljeno:**

- Naslovu,
- a/a